

[Augsburg], 24. Mai 1571

An Johannes Crato von Kraffttheim

UB Breslau, Ms. 9820 (Rehdigeriana 246), Nr. 347 (fol. 458r-v).

Nobili viro, doctrina, virtute, dignitate praestanti, D. Ioanni Cratoni à Craffttheim: Caesareae Maiestati a consilijs, et medico intimo. Domino et amico suo colendo.

S. Ὑπερήμερον in respondendo me fecit et valetudo, graui ac periculoso afflictia casu, et μετοικεσία laboriosa, et nouae quaedam Scholarum nostrarum occupationes. Etsi existimo E. T. facilè in tot occupationibus carere literis non necessarijs. Quid enim ego scribere possum, quod D. Cratonem scire aut intersit, aut delectet? Nugas meas Demosthenicas sub autumnum expecto, non admodum audiè. Nam neque columnae mihi probantur, et graeca deprauata sunt plurimis locis, et accumulatae mendae quasi de industria, siue inscitia, siue perfidia nescio cuius: cui munere isto (ne quid dicam grauius) interdicendum esset. Satis itaque praeuideo, meos ingentes et diuturnos labores scelere istorum, ignominiae labem mihi impressuros, loco speratae et gratiae et gloriae: qua equidem facilè aequoqüe animo caruerim: modò ne infamia consequatur. ἀλλ' οὐ φροντὶς ἵπποκλείδῃ: ἐπεὶ τὸ κατορθοῦν οὐκ ἐν τῇ πράξει, ἀλλ' ἐν τῇ προαιρέσει ἔστι: cuius mihi rectissimae sum conscius. Vale. 24. Maij 1571.

E. T.
studiosiss[imus]
Hiero[nymus] Wolfius.